

Saksprotokoll i fylkesutvalet - 03.05.2018

Følgjande representantar stilte spørsmål om dei var inhabile:

- Nils Marton Aadland, er styreleiar i Museumssenteret i Hordaland
- Aud Karin Oen, er styremedlem i Museum Vest
- Benthe Bondhus, er styremedlem i Baroniet i Rosendal

Aadland, Oen og Bondhus gjekk frå under vurderinga av spørsmålet om dei var inhabile. Fylkesutvalet vedtok samrøystes at Aadland, Oen og Bondhus var inhabile etter forvaltningslova § 6, 1. ledd e).

Aadland, Oen og Bondhus gjekk frå under behandlinga av saka. Det var 12 representantar til stades.

Anne-Beth Njærheim, V, sette fram slikt forslag:

«Tillegg:

Nytt punkt 5

Fylkesutvalet har mål om at fleire av musea velger å konsolidere seg, ikkje berre etter nærleiksprinsippet men og konsolidering på fagleg grunnlag.»

Røysting

Innstillinga vart samrøystes vedteken.

Njærheim sitt forslag vart samrøystes vedteke.

Vedtak

1. Fylkesutvalet meiner dei statlege tilskota til dei konsoliderte musea i Hordaland må aukast minst tilsvarande snittet for resten av landet. Fylkesutvalet ber administrasjonen legge til rette for dialog med staten om medansvar og framtidig finansieringsmodell.
2. Fylkesutvalet ber om at administrasjonen, i samarbeid med museumsleiarane, utarbeide statistikk/tal som grunnlag for vidare dialog med kommunane/regionråda om utvikling av kommunale museumsstrategiar.
3. Som eit tillegg til gjeldande retningslinjer for tilskotsordninga Museumsløft, vedtek Fylkesutvalet at det for «Museumsløft 2018» vert opna opp for å gje støtte til tiltak som kan styrka samhandlinga mellom musea, kommunane og det frivillige.
4. Fylkesutvalet ber om at det i samband med regionreforma vert utvikla strategiar som skal danne grunnlag for ein ny museumspolitik.
5. Fylkesutvalet har mål om at fleire av musea velger å konsolidere seg, ikkje berre etter nærleiksprinsippet men og konsolidering på fagleg grunnlag.